



ꦏꦼꦕꦩꦠꦤ꧀ꦢꦺꦱꦱꦺꦠꦤ꧀

DESA ADAT SESETAN

KECAMATAN DENPASAR SELATAN KOTA DENPASAR

Jl. Raya Sesetan No. 339 Pasar Taman Sari Grudugan, Denpasar Selatan, 08123951244, 081236133857

Denpasar, 24 November 2021

Nomor : 114/BDS-SST/XI/2021
Lepihan : 1 Lepih
Parindikan : Caru Nangluk Mrana

Katur Majeng Ring:

ꦱꦮꦱꦺꦴꦩꦠꦸ

Om Swastyastu,

Manut sekadi pamutus paruman Rahina/Tanggal : Sukra, 19 Desember 2008, rikala ngemargiyang Caru Nangluk Mrana, sampun kesungkemin kelaksanayang rikalaning Tilem Sasih ka-Nem, manut sekadi Lontar Roga Sanghara Bhumi, pamekas ipun ring Widhi Sastra Roga Sanghara Purna, asapunika ring Awig – Awig Desa, turmaning sampun antar antuk kemargiyang. Duaning asapunika ring sasih puniki jagi kemargiyang nepek ring Rahina Saniscara Wage, Wuku Medangsia Tanggal 04 Desember 2021 punika Tilem ka-Nem, sawatara jam 19.00 WITA mangda prasida upakara kemargiyang (Pelelawatan Ida Bhatara kairing Maintar).

Indik pemargi manut ring dedudonan sane sampun ketah kemargiyang minakadi ipun, inggih punika kapitegepang antuk :

1. Ring pempatan/madyaning catus pata desa, muang ring tepi siring soang – soang wates nyatur desa makadi : purwa, daksina, pascima, muang utara mangda nanceb sanggar agung madaging kayu tulak lan kober Rsi Gana mekatik carang tiing gading.
2. Ring wates Purwa/wates desa sisi kangin, ngangge caru ayam putih nulus muang runtutanya, kejangkepeng antuk kucit butuan. Sane ngastawayang tur ngaturang pamuput, Dane Jero Mangku Prajapati kasarengin Dane Jero Mangku Presanak Kusuma Sari. Upakara aturan Kesangggra antuk krama Br. Pegok. (manut pamutus perarem)
3. Ring wates Daksina/wates desa sisi kelod, ngangge caru ayam biying muang runtutanya, kejangkepeng antuk kucit butuan. Sane ngastawayang tur ngaturang pamuput, Dane Jero Mangku Dalem Batan Kendal kasarengin Dane Jero Mangku Prajapati Batan Kendal. Upakara aturan Kesangggra antuk krama Penyatusan Br. Gaduh lan Br. Suwung Batan Kendal. (manut pamutus perarem)
4. Ring wates Pascima/wates desa sisi kauh, ngangge caru ayam putih siyungan muang runtutanya, kejangkepeng antuk kucit butuan. Sane ngastawayang tur ngaturang pamuput, Dane Jero Mangku Puseh kasarengin Dane Jero Mangku Pura Dalem Gunung Sari. Upakara aturan Kesangggra antuk krama Penyatusan Br. Lantang Bejuh lan Br. Dukuh Sari. (manut pamutus perarem)
5. Ring wates Utara/wates desa sisi kaja, ngangge caru ayam ireng muang runtutanya, kejangkepeng antuk kucit butuan. Sane ngastawayang tur ngaturang pamuput, Dane Jero Mangku Desa kasarengin Dane Jero Mangku Pura Pererepan Tengkulung. Upakara aturan Kesangggra antuk krama Br. Kaja. (manut pamutus perarem)